

人甘之

五金出萊蕪黃山亦有黃白二土石焦二炭土可堅可坊炭石可薪而焦良於冶頗為民利故又曰八寶山是為岳東支麓其西麓曰桃花峪山人昔嘗採白金礦山海

經云其下多金是也又云其上多玉今不可見土人云岳顛間嘗一炫光彩意者其玉韞之輝與

鳥多野鴿巢巖穴及岳祠椽題多鳩雀有鸞鵝鷹鴉鵲惟岳祠無鴉異哉有曰巧婦

爾雅釋桃蟲是也曰山僧聲如念佛曰紅娘子色如胭脂曰極紅練拖白練皆以尾色名有雉鷄山鷄野鷄鷓鴣黃鸝鷓鴣翡翠布穀畫眉有翠羽褐衣如畫眉者汶有鴛鴦鸞鷓鴣野鴛

獸有倮鹿羆兔有兩其足者不能走每跳一二丈許曰跳兔有黃鼠蒼狐白狼在深山窮谷而登封之地則無也山海經曰有獸焉其狀如豚而有珠名曰狷狷今未之見豈山林古今之變而氣化有不同與

獸有倮鹿羆兔有兩其足者不能走每跳一二丈許曰跳兔有黃鼠蒼狐白狼在深山窮谷而登封之地則無也山海經曰有獸焉其狀如豚而有珠名曰狷狷今未之見豈山林古今之變而氣化有不同與

魚有斑文四五寸許四五五月生嶽北溪澗中過此則無矣
冰凝嶽頂北十里許陰壑中名曰天牢天日不過之地四時有之不假伐藏

正一天師清微弟子 洪百堅 製作
道教學術資訊網站

岱史第十三卷香稅志
叙曰曷云乎香稅也四方祈禳之士女捧瓣香謁款神明因指施焉而有司籍其稅以助國也夫聖天下香稅惟岱與楚之太和山也而太和山不以岳名則嶽之有香稅惟岱也

方其摩肩涉遠接踵攀危繼至輻湊豈特助國而已與廡賴以食力市肆賴以牟利僧徒賴以衣鉢即行丐亦賴以須臾無死諸所為地方利益甚博其究也廢所費金帛珠玉馬殺等物以奉神則有司日冕權之威兩會其成數是皆神靈所感召也豈假於號召科責乎哉歛而不密積而能散又非有神輸鬼運而人世自相贏行何造化之妙一至此也山東

皇畿左輔諸凡賦役獨先頻歲凶荒物力且日困脫令不藉是安所取辦天蓋保右國家而陰以此佐六郡百姓之急耶其初惟籍諸藩司以贍地方一切公需代田賦所不給也邇邇轉而入之內帑歲有定額議者謂方今內帑累巨萬而不可校盍貽此備賑六

郡凶荒推廣靈祝惠澤香火之地神意豈不
其然此在求民瘼者所宜講也章程種種具
列如左

委官員額 舊例總巡官一員於府佐內行
委專一督理香稅上下稽查是其責也分

理官凡六員於州縣佐貳官內行委坐定
通參亭二員一收本省香稅一收外省香

稅俱填單給與香客玄武門一員收山後
香稅亦給單紅門南天門各一員俱驗單
放行頂廟碧霞宮門上一員查放香客出

入凡此員額其來久遠不知起自何年近
該隆慶五年議革通參亭官一員并紅門

南天門驗單官二員盡行裁革只存分理
官三員一在通參亭一在玄武門一在碧

霞官每遇香客衆多之時分理官力不能
支議者謂當將裁革太過今宜酌議稍增

員額

委官期限 近例每年分作三季上季正正
月至四月下季自九月至十二月其時香
客衆多故總巡官與分理官俱全數委用

縣一 二十四

中季自五月至八月其時香客不多故只
季分理官不委總巡官又每一季完訖則
另行別委故總巡官去住不常而分理官
亦常有奉委未到者此不惟錢糧重大所
宜稽查而億萬衆噉唾屋壑中安可不為

之巡行存恤也議者謂總巡官宜有專設
俾之常駐

香稅銀例 舊例本省香客每名五分四釐
外省香客每名九分四釐俱店戶同香客

赴通參亭報名納銀領單上嶺近自萬曆
八年有外省香客冒充本省報名短少香

稅者因改議不分本省外省香客一例香
稅銀八分其銀各店戶包封署名包上儲

通參亭庫內待夏冬二季起解時店戶各
認姓名領包領銷其間有等店戶當報名

納銀之日將銅鐵抵換銀兩至起解領銷
之日百計抵補不及有脫逃者有自縊死

者凡此皆所目擊宜為酌處委官收銀間
一開包驗實店戶領銀量行給與耗銀庶

其少歟

縣一

廿五

混施事例 凡香客施捨金銀珠寶玉石首

飾并金銀娃娃銅錢及襪蓋袍服紗羅段

幣等項俱投在碧霞宮內夏冬二季另委
府佐一員前往會同原總巡香稅委官登

嶺啓門收檢諸所施捨前項物件逐一驗
看估計將金銀珠寶玉石首飾并金銀娃

娃銅錢等項同前項香稅銀一併解赴布

政司儲庫以待轉解支用其襪蓋袍服紗
羅段幣等項解赴濟南府儲庫支送三司

堂上并首領與運司濟南府各佐貳員下
折俸

會計事例 每年香稅并混施銀兩多寡不

等照數坐派一曰解部卷查嘉靖三十七

年為傳奉事內開泰山頂廟香錢除襪蓋
袍服等物照舊該省官員折俸外其餘金

銀首飾等項按季類部等因以後節年二
季差官起解赴部據近年解部大約春季

銀一萬兩有零冬季一萬二三千兩有零

一曰存司專供公堂慶賀 表箋扛夫車
價公差人役六房文冊紙劄寫字書手工

食及德魯衡三藩府各郡王祿糧等項一曰脩城其銀亦儲在布政司以供脩理城垣之費二曰脩廟其銀亦儲在布政司以供岳頂諸廟脩理之費每香稅八分內除五釐備廟一曰公費供香稅各委官廩給并跟隨人役工食其銀即於泰安州支給一曰銅錢舊例解禮部近歲部中久不取解俱貯之藩司正所謂錢累巨萬而貫朽云

縣一

四

廿六

依史第十四卷災祥志叙曰曷志乎災祥也謂泰山氣化攸先其災祥關係天下國家尤大也往昔災祥見於泰山者如大石立起而漢宣踐祥雲成闕而光武中興其祥之最著者乎燕鳥焚巢而飛

燕滅漢雄雉犯蹕而武氏曷唐且災之最著者乎若論夫災祥之實孰有如宋嘉祐間泰山上瑞麥圖五本我朝嘉靖間泰山瑞麥一本五穗則其祥可以養生他如御帳流洪死於溺者三百餘戶碧霞宮啓閉死於踐躅者頃刻六七十人則其災至於戕生是又不帝機授朕兆所號為災祥而已夫災祥示人豈不昭昭然祥以符德或以導侈災以告讒或以玉成天意詎有常哉惟履祥而益勉故享有佳禎遇災而知脩故妖不勝德斯義也

豈特聖君賢相所宜講求即膺命擔一爵者罔不有挽回氣化之責毋以災祥為漫然無足省云
漢昭帝元鳳三年春正月泰山大石起立高丈五尺有白鳥數千集其旁儻柳復起生

縣一

廿七

垂食柳葉成紋曰公孫病已立符節令畦弘以為石陰類下民象常有疾人為天子者坐妖言伏誅其後宣帝起民間成帝河平元年泰山桑谷有鶩焚其巢郡人孫通等聞山中群鳥鶩鵲聲往視見巢

難盡墮地中有三鶩燼燒死樹大四圍巢去地五丈五尺易曰鳥焚其巢旅人先咲後號兆京房易傳曰人主暴雷鳥焚其巢其後趙飛燕姊專寵後宮有子者殺之并殺其母帝崩后坐誅此焚巢殺子後號兆之應也一曰王莽貪官而任社稷之重卒成易姓之禍云
光武皇帝建武元年泰山雲氣成宮闕章帝元和二年二月辛未幸泰山黃鵠三十經祠壇上東北過于齋宮翔翔升降

晉武帝泰始四年七月泰山崩墜三里京房易傳曰自上下者為崩泰山之石巔而下厥應聖人受命人君虜是後懷愍二帝俱辱虜庭淪胥於北元帝中興於南此其應也